

STORIA DI KARNAVAL

Karnaval i un festa tradisional ku ta fasidu na tudu anu na no tera ku utrus paísis. E festa ta fasidu na kumsada di mis di febreiru o marsu. Jovens, mininus ta kumsa buska lama pa kumpu maskra. E ta foral ku karta di simenti. E ta ranja tinta pa pintal; E ta ranja banda, farda, galoza, saia di Bijugu, Panu di pinti, sinjadura, ropas. Es tudu pa pudi mostra tradison ku kultura Guinnesses. Jintis ku ta maskra ta kontenti, e ta sai na rua e na suta bajudas, mininus ta medi e na cora. Purmeruba jintis ta brinka son asin, ntururu ta suta jintis kada kin ta yanda te na pinjikiti. Ma gosi karnaval ta organizadu pa Stadu, nde ku Ministru di kultura ku disportu ta fasi un konkursu pa impresas privadus o partikularis. Impresa ku gaña e konkursu el ku ta finansia karnaval. Kada rigion ta partisipa na disfili, e ta mostra se kultura, gañadur ta risibi premiu pa purmeru lugar, sugundu ku tirseru lugar. Ma krentis ka ta partisipa e ta organiza na kada igreja e bai akampamentu fora di Bissau. Pa ka pudi yentra tambi na ki kusas ku diskrentis ta fasi. Pa kila i bon pa bai akampamentu, pa bai aprendi palabra di Deus ku manga di kusas na kamiñu di Deus.